

zdělenka medijam

180/2022

Sakske statne ministerstwo za wědomosc, kulturu a turizm

Ihr/-e Ansprechpartner/-in
Jörg Förster

Durchwahl
Telefon +49 351 564-60620

presse.kt@smwk.sachsen.de*

Dresden,
27. September 2022

Šesta rozprawa wo položenu serbskeho ludu předložena

statna ministerka Barbara Klepsch: „Serbsku řeč a identitu škitac a do přichoda zachowac!“

Sakske statne knježerstwo je sej džensa (27. septembra 2022) šestu rozprawu wo položenu serbskeho ludu na kabinetnym posedženju, kotrež so w Budyšinje wotmě, wobhladało. Kaž to Sakski serbski zakon předwidži, póndže wona nětko do krajneho sejma. Wudžělana bu rozprawa pod nawodom Sakskeho statneho ministerstwa za wědomosc, kulturu a turizm, kotrež je za naležnosće Serbow zamołwite. Nimo sakskich statnych ministerstwow su na njej sobuskutkowali Rada za serbske naležnosće, Domowina – Zwjazk Łužiskich Serbow z.t., Załožba za serbski lud kaž tež Ewangelski běrow Sakska a Katolski běrow Sakska. Zaměr rozprawy je, Sakski krajny sejm wo wobsahach informowac, kotrež žiwjenje serbskeho ludu w Swobodnym staće Sakskej nastupaja.

Rozprawa zwěšća, zo so Serbja w Sakskej tak spěchujac, kaž to wustawa předwidži a wotpowědnje aktualnej potrebje. Čezišća rozprawy su serbski lud jako připóznata narodna mjeńšina, wobłukowe wuměnjena na europskej a na runinje zwjazka, kraja a komunow, serbska řeč a wosebity wuznam zachowanja a nałožowanja serbskeje řeče, politiske aktiwity, kublanje a wědomosc, młodžina, medije, kultura, hospodarstwo, planowanje, turizm a zhromadne džěło, kotrež hranicy zwjazkowych krajow přesahuje. Tematiske čezišća digitalizowanje, mjezynarodne zhromadne džěło kaž tež změna klimy a změna rumow přirody a jeju scěhi za sydlenski rum buchu přidatnje zapřijate.

„Chcemy serbsku řeč a identitu škitac, zo bychmy z tym wažny džěl našeho kulturneho bohatstwa w Sakskej za přichod zachowali. Naše zhromadne prócowanje wo spěchowanje serbskeje řeče, kulture a herbstwa tomu služi. Rozprawa wo položenu serbskeho ludu dawa wažne pokiwy, kak buchu dotalne naprawy zwoprawdžene a kotre čezišća su w přichodže nadal trěbne.

Hausanschrift:
Staatsministerium für
Wissenschaft, Kultur und
Tourismus
Wigardstraße 17
01097 Dresden

www.smwk.sachsen.de

Verkehrsbindung:
Zu erreichen mit den
Straßenbahnlinien 3, 6, 7, 8, 13

Für Besucher mit Behinderungen befinden sich gekennzeichnete Parkplätze am Hintereingang der Wigardstraße 17. Für alle Besucherparkplätze gilt: Bitte beim Pfortendienst melden.

*Kein Zugang für elektronisch signierte sowie für verschlüsselte elektronische

Wjeselu so, zo smy ze štwórtym financowanskim zrěčenjom za Założbu za serbski lud dobry a spušćomny finacielny zakład za spěchowanje serbskeje rěče a kultury stworili. Sakske statne knježerstwo je sej toho wědome, zo su dalše prócowanja na šerokej runinje trěbne, zo by so zachowanje a dalše wuwijanje serbskeje rěče, kultury a herbstwa tež perspektiwisce zaručilo“, praji statna ministerka Barbara Klepsch.

„Serbski lud je kruty wobstatk našeje domizny. Dwurěčnosť Łužicy, nałožki kaž křižerstwo hač k modernemu serbskemu wumělstwu wobohaćeja kulturnu krajinu w Sakskej. Tutón pokład na najwšelakoriše wašnje wobchowac a za to trěbne finacne srědki přewostajic, je Sakskemu statnemu knježerstwu wažna naležnosť. Šesta rozprawa wo položanju serbskeho ludu skići za tute džěło wažne dohlady. Z tym, zo so za naležnosť Serbowkow a Serbow zasadźujemy, podpěrujemy tež džěl našeje sakskeje identity“, praji ministerski prezident Michael Kretschmer.

Dawid Statnik, předsyda Domowiny: „Jako serbski třěšny zwjazk witamy, zo so rozprawa wo položanju našeho ludu w Sakskej mjeztym srjedź legislaturneje peridy předpožji. Z tym ma krajny sejm hač do přichodnych wólbow hišće dosć chwile, so intensiwnje z tutym wobšěrnym dokumentom zaběrac a je-li trjeba zhromadnje ze zastupnistwom zajimow serbskeho ludu, ke kotremuž nimo Domowiny mj. dr. tež Rada za serbske naležnosť słuša, trěbne konkluzije sčahnyć. Zo je so kabinetne posedženje pola nas w Serbskim domje w Budyšinje wotměło, je zdobom jimace znamjo zhromadnosť krajneje politiki a Serbowkow a Serbow při wuhotowanju jónkrótnosće Łužicy, kotruž serbska rěč a kultura tworitej. Hižo dvě a poł lěta kooperujemy w kampani „Sorbisch? Na klar.“, kotraž našej wutrobnej naležności sylny wětrik wotzady dawa: runoprawnej a runohódnej prezency serbsčiny w towaršnostnej komunikaciji we Łužicy. Rjenje, zo so runje tón džen w Budyšinje k dalšemu džělowemu wuradźowanju kampanje „Sorbisch? Na klar.“ schadźujemy. Chcemy džensniši termin kabineta jako přiležnosť wužic a zhromadne džěło ze statnym knježerstwom intensiwować.“

Plan naprawow Sakskeho statneho knježerstwa k pozbudźowanju a k wožiwjenju wužiwanja serbskeje rěče tworj jedne čezišćo rozprawy. K tutomu planej naprawow słuša tež kampanja „Sorbisch? Na Klar.“ Sakskeho statneho ministerstwa za wědomosć, kulturu a turizm, kotraž hižo dobrej dvě lěće na to skedźbnja, kajka wulka přidatna hódnota dwurěčnosť w Hornjej Łužicy je. Jadro kampanje je online-magacin z interviewami a pozadkowymi rozprawami wo wužiwanju a přidatnej hódnoće serbsčiny. W socialnych medijach je „Sorbisch? Na klar.“ mjeztym najsylniši portal wo serbskich temach a ma něhdže 2.000 followerow. Realizowanje kampanje přewodža fachowa přirada, kotrejež předsydkja je statna ministerka Barbara Klepsch. W nacisku knježerstwa za dwójny etat 2023/24 su srědki za pokročowanje kampanje zapisane. W přichodže móhło być, zo so kampanja „Sorbisch? Na klar.“ tež jako resorty přesahowaca tema wobhladuje, spocho dale wjedže a wutwari.

Jako naprawu kraja, kotraž so najbóle na serbsku rěč a kulturu počahuje, přihotuja Statne ministerstwo za wědomosć, kulturu a turizm, wokrjes Budyšin a Założba za serbski lud

wot lěta 2020 sem projekt „Serbski forum wědy“ na Lawskich hrjebjach w Budyšinje. Dnja 29.09.22 budže so rada Załožby za serbski lud z dalšimi wažnymi kročelemi realizacije zaběrać, mjez druhim z wupisanjom wubědźowanja architektow.

Tohorunja rozprawja so wo aktualnym štwórtym zrěčenju wo zhromadnym financowanju Załožby za serbski lud, kotrež bu 20. julija 2021 podpisane. W swojim naćisku za dwójny etat 2023/24 planuje knježerstwo po artiklu 1 štwórteho zrěčenja wo financowanju Załožby za serbski lud něhdže 7,97 mio. euro na lěto. Nimo toho je sakske statne knježerstwo po artiklu 2 tutoho zrěčenja 130.000 euro na lěto za projekty digitalizacije přizjewiło.